

Caso bringamento di Booshi Wever na aeropuerto

ORANJESTAD (AAN) Keto bay hopi hende ta pendiente pa sa con a para cu e famoso caso di alias Saus y Booshi Wever na aeropuerto, unda Booshi Wever a ataca di trinshon Michael Williams pa despues e sucedido ey para caba den un bululu formal.

Williams a entrega keho di maltrato contra Booshi Wever na polis, pero te cu awe no tabata tin tratamiento di caso di maltrato den corte contra Booshi Wever.

Aparentemente Ministerio Publico a haya cu e caso no tabata suficiente serio pa worde hiba dilanti di mesa berde unda cu hues a haya detayenan di e caso pa asina saca afor kende tabata responsabel y culpabel di maltrato fisico na aeropuerto.

Pa ley hulandes maltrato fisico ta castigable y bo por bay sera pa esey y te con leu ta conoci, ta Booshi Wever tabata esun cu a cuminsa cu maltrato fisico.

Segun informacionnan no oficial, Michael Williams a haya un carta di Ministerio Publico den cual el a worde notifica, cu tanto su persona como Booshi Wever lo haya un boet pa paga pa e caso di maltrato na aeropuerto.

Booshi Wever no por worde acerca pa informacion pasobra e mes ta bisa di no ta kere DIARIO, ta papia malo di DIARIO y di su personal y cu un individuo asina ta dificil, si no imposibel pa papia y ta den corte so e ta bisa cu DIARIO no a acerca

su persona pa informacion di otro banda di medaya.

Williams a nenga rotundamente di paga cualkier boet pasobra na su

opinion ta Booshi Wever mester ta esun cu mester bay para dilanti di hues como agresor y mester haya castigo y no cu Ministerio Publico ta

trata na laba man cu un boet hopi cuestionable.

Durante dianan venidero lo trata na haya version di Ministerio Publico, si nan no

ta mucho ocupa cu buscamento di e computer cu a worde uza pa manda remitido contra presidente di Hof.

Mr. Mike Eman:

AVP ta e voz cu tin meymey di Gobierno y e pueblo cu ta sufri

ORANJESTAD (AAN) – Lider di partido AVP, mr. Mike Eman a gradici e miembronan di su partido pa e sosten den carga e organizacion, durante su ausencia di varios dia relaciona cu kibranto di salud di su señora mama.

El a gradici e hecho cu miembronan di su partido a haci e trabao como fraccion di AVP cu ta e voz di e pueblo aki, na momentonan sumamente dificil cu nos pais ta pasando aden, den man di un gobernacion cu aparentemente no ta sinti e clamor di nos comunidad, y cu tur dia e situacion ta bira




mas dificil den pueblo Arubano tanto pa rico como pa pover y clase medio, y tanto pa hende naci na Aruba como pa esnan emigrante. Lider di partido mr. Eman a bisa cu gobierno no kier realiza esaki, y pa tal motibo

a resalta un biaha mas cu e voz cu tin pa para meymey di e gobierno aki y e pueblo cu ta sufri ta Partido di Pueblo Arubano AVP.

Pesey e ta sinti su mes hopi orguyoso cu AVP tin dirigentenan di e calidad,

devocion y compromiso pa yuda defende pueblo di Aruba, y den e dianan aki cu mr. Eman tabata tin menos e oportunidad pa haci su parti. Un aprecio grandi e tin pa su coleganan y pa pueblo di Aruba su sosten.

AMIGOS DE ARUBA SO FALTA!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Tricycle NOBO
Antes Afl. 125,=
Awor Afl. 85,=